

Universitätsbibliothek Paderborn

Impius Infelix

Texier, Claude Augustae Vindelicorum [u.a.], 1695

XI. Sermo. Impius Maledictus in remorsibus suæ Conscientiæ.

urn:nbn:de:hbz:466:1-45950

数据数据数数数据数据数据数据数据数据数据数据数据数据数据

IMPIUS MALE-DICTUS IN REMOR-SIBUS SUE CONSCI-ENTIÆ.

Si audire nolueris vocem Domini Dei t:ii ... dabit tibi Dominus cor pavidum, & animam consumptam mærore, timebis noete & die. Deut. 28. v. 15. 65. 66.

Uando in Scriptis Gentilium lego, quò d peccatum necessariò post se suum trahat supplicium; sceleris in scelere supplicium est; quod iple impius Seneca epist. fit sui primarius tortor, suique infortunii faber: prima & maxima peccantium pæna, peccasse est, juxta Plutarchum. Quando video Senecam agnoscere, & adorare Divinam Providentiam, unaque eidem grates exfolvere ob rerum omnium ordinem, tam suaviter, quam sapienter institutum, speciatim ob præfixam cuivis homini in quamcunque status eminentiam subvecto, peccanti etiam in præsenti vita suam pænam; nullum scelus licet fortuna Senecaibidem suis exornet muneribus, licet tueatur, ac vindicet, impuni-

Quande ex Epicuro, in omnibus Sapientum Academiis tamquam infami & brutali homine semper proclamato, suos docuisse discipulos intelligo, quòd si juxta proprium fuum beneplacitum vitam instituere velint, in quo summam ille felicitatem reposuit, studiose nihilomi-

Bb 3

Impius Maledictus

IOS

nus peccatú evitent, eoquod offensa & pæna sint geminz forores, uno tempore concepta & nata tormentum & timor fint socii criminis individui. Quando inquam, has veritates addisco ex ore illorum, qui studio consectantur, ut mendaciis fidem adhibeant, erubesco-nec immeritò; quòdChristiani ecelesti disciplina imbuti sint rudiores paganis, magis brutales Epicuri asseclis, utpote sibi persuadentes, rerum bonum, folidumg; gaudium inter vitia posse reperiri. Discurramus hodie saniùs de falsa hac peccato. ru pace, & discamus ex damno impii à Deo maledicti, extraneam istam pulchritudinem, externam illam lætitiam, alloquium hoctam gratum, non esse aliud, nisi tegumenta cordis exulcerati; falso beatos mundanæ felicitatis alumnos cruciatibus continuis remordentis conscientiz torqueri, perfimiles esse delubris in Ægypto, in fronte auro radiantibus, etsi aliud ibidem interius nil conspiceretur prater serpentes & Crocodilos corda illorum corrodentes. Discamus, corum inobedientiam juxta Dei comminationem vindicari per timores & terrores assiduos.

Gloriose Spiritus Dei, qui es Deus pacis, & unicum principium veræ lætitiæ, da nobis veritates istas agnoscere; hanc enixè rogamus à Te gratiam per illius suffragium, quam tibi elegisti in sponsam tuam. Ave Maria,

Quid est conscientia mala? Si responsum petamus è profanæ Sapientiæ trypode, audiemus, esse rigidum censorem, tyrannum implacabilem, irâ excandescentem tortorem, Megæram aliquam; verbo, infernalium furiarum turmam, quæ aspidibus cincta, slagris & faculis ardentibus armata, peccatorem obsidet, & incessanter discuciat: Sua quemque fraus, & suas, terror maximè vexat, hee sunt impits assidua, domestica que furia.

At sequendo sacratiora, caque infallibilia Divinæ sapientia dogmata, quid nobis illa de conscientia malig nitate enuntient, advertamus. Est biliosi, seu irâ bullientis cruoris aculeus, crudelis spina, quæ cordis medullas perforat, omnia cruentat. Conversus sum in arumna mea, Plal. 31. 4. dum configitur spina.

Est tinea ossium intima continuò consumens. Ego Osex. 5, 12. quasitinea Ephraim. Est adversarius noster importunus, qui nos toto vita prasentis decursu instanter affligit, nisi ei consentiamus, de quo Christus mentionem injicit: Esto consentiens adversario tuo cito, dum es in via. Est ver- Matth. 5,25mis, qui arrodit cor animæ, in fatuis voluptatum delitiis natus, mori nequit, nisi amaritudine absynthii & pœnitentiæ contritus. Vermis eorum non moritur. Est vipera Maic, 9.43. illius viscera discerpens, qui ipsam produxit: Concepit dolorum, & peperit iniquitatem. Est infernus in hac vita pec- Pfal. 7. 15. catoris. Convertantur peccatores in infernum, id est secundum D. Augustini inter pretationem; Dentur in manus luas, & illaqueentur delectatione mortiferà.

Perceptis jam Scripturæ conceptibus, videtur nil posse dici efficatius de tormentis perversæ conscientiæ, quam id, quod S. Bernardus affert, cujus verba triplicem, camque pulcherrimam & exactissimam subministrabunt divisionem. Mala conscientia tribus sungitur officiis ex parte peccatoris ipfa tellis, ipfa judex, & tortor eft. 1. Tan- DIVISIO. quam testis vel accusator per suas objectioes nos con-2. Ut Judex per sua mandata nos stringit, fundit. & condemnat. 3. Ut tortor per suos remorsus nos affligit; accusat, judicat, cruciat. En tria discursus mei puncta.

Facile

Facilè possumus nocturnis in tenebris sepelire no. stra (celera, inquirere loca ab hominum confortio remota ad peccatum opportunius perpetrandum. Hoc verò frustraneum, impossibile est, ut nostrorum officiorum authoritas, aut divitiarum nostrarum ingens cumulus ora obstruant injustitias nostras spectantibus, linguas linget, quò minus in vulganda nostra delicta se effundant, ac mundus universus condemnet, de quo nullus auder conqueri. Quocunque nos conferamus, in quovisloco conscientia nobis assistit, & in medio turbæ nobis plausum ferentis ruborem imprimit per suas exprobrationes. Vocaturipsa à D. Bernardo testis domesticus, comes inseparabilis, non tamen proptereà intermittens testari contra proprium luum Dominum : Quocunque vado, conscientia mea non me deserit, ubicunque, mihi gloria vel confusio in separabilis sie sic in domo proprià, & à proprià familiahabeo accusatores & testes.

Credite mihi, additidem mellistuus Doctor: Nullus molestior oculus suo cuique, non est aspectus, quem tenebro.

sa conscientia suffugere magis velit, minus possit.

Vix commissimus malum, mox accusator adest, ut suum exerceatossicium, dum contra nos insurgit, teste D. Chrysostomo, nobis exprobrat, & ipsi pectoris meditulio inclamat! Ah! temerarie, quousque to tua insolentia, ut ausu nefario præsumeres contemnere majestatem Dei, sacratas illius transgredi leges? Hæc ne, ingrate, est recognitio tot savorem, tantarum gratiarum à Divinæ bonitatis sonte promanantium. An nescis, impie, te per hanc sethalem noxam incurrisse odium Dei tui? te denuò Christum Cruci suffixis-

Cruci suffixisse, amissise te inexplicabiles Paradisi delitias, te promeritum aterna inferorum tormenda? Statim conscientia insurgit, inclamans, & magnitudinem peccati oftendens. Fugere non potes conscientiam tuam, amarulentam acsusatricem. Sicut effugium nullum patet, ita nec ullum eam corrumpendi argento, medium suppetit: Hoc tribunal pecuniis non corrumpitur, blanditiis non acquiescit. Quemadmodum enim suam commissionem immediate à Deo obtinet, cujus bonum & honorem tuetur, ita non respicit personam hominum, non reveretur Imperatorum thronos, non suspicit coronas Regum, nec tiaras Pontificum attendit: objectiones, invectivas declamat, cum alii Panægyres adornant; ruborem, confusionem imprimitiis, quibus alii laudes concinunt, publicos ferunt plausus. Licèt etiam extrinsecus non adsit, quem pertimescatis; nullus adsit, qui vos confundat, accusator, qui sententiam contra vos ferat, judex; qui minas intentet, hostis; impunitatem tamen, vel quietem promittere vobis minime potestis; intrinsecus enim latet, qui litem moveat, pacem turbet, vos convincat, & perterreat. Non timebis inimicos, erit inte, quid timeas: lictorem evades, spiculatorem effugies, non sufficit, te tenebis.

Alia probatione hie opus non est pro veritatis istius assertione, sufficit exemplum è maximis coronatorum capitum unius, Davidis sc., qui nos docet, se post admissum scelus à propria conscientia tam fortiter accusatum, tam efficaciter confusum, ut rubore plenus ne oculos quidem cœlum versus sustollere sit ausus; sed in terram duntaxat defixos tenuerit: Mifer factus sum, & curvatus sum usque in_ Plat, 37.7. finem, tota die contristatus ingrediebar. Curiales & officiales aulæ stupebant non modice, quod viderent à Rege

Pfal. 50.5.

tam mœsta fronte adeò lætos recipi cursores, optatissimas secum ferentes novellas de recens interceptis oppidis, integris modò provinciis ejus imperio adjectis, prælio fuga. tis & ad internecionem deletis hostibus sub gloriosis Joabi Archistrategi auspiciis. Dum dicti aulici, inquam, inter gratulantium festivos plausus, faustas victoriæ acclamationes nil præter anxii cordis suspiria & gemitus animadverterent, tam intempestivæ mæstitiæ illi radicem perquirere. Unde, vel qua, Rex invictissime, tam infolitæ materies tristitiæ? quidnam illum, quod cor tam fortunati, à Deo copiosissime benedicti, hostibus adeo formidandi, ab amicis tantoperè æstimati Principis, Patris paerix, & omnium nationum delitii, turbare, inquietate possit, vel ausit? sed responsi loco profundum silentium, amari & frequentes è regio cubili prorumpunt intermissis lachrymis gemitus, ubi conscientia, torquendo Regem, fuum exercebat officium, eique ob oculos proponebatintuendam vivacem suorum flagitiorum imaginem. Videbatur sibi David nonnunquam, se quasi oculis spectare fumantem adhuc è plagis Uriz profluum cruore; adulterii infamiam frustra laboravit è memoria abolere, tradere oblivioni: Peccatum meum contra me est semper, seditionem in me jugiter commovens; conscientia nimium in mei carnificinam ingeniole favit, mihi nullam unquam quietem indulget, tam genuinis mea scelera coloribus exprimit, ut ea coram intueri videar: Non est pax ossibus meis à facie peccatorum.

An non exquisiti supplicii genus est: Nocte dieg, suum gestare in pectore testem, oculis videre, auribus audire, ad latus suum continuò habere accusatorem irritatum, suis nos improperiis indesinenter vexantem? Attamen-

hujus

in remorfibus sua Conscientia.

203

hujus se tradat manibus, necesse est, siquis peccate intendit.

Quando impius animum divertere cogitat, conscientia ipsius, quam sibi reddidit adversantem memoriæ repræsentat istum incestum, brutalem in juvenili ætate dudum commissam illam turpitudinem. Idem aliò mox intellectum suum detorquet; sed conscientia eum confeftim periequirftr, hoc homicidium, hoc furtum, hanc proditionem mentis objicit obtutibus. Expellit quidem peccator molestas ejusmodi muscas; at eodem tempore digito quasi ostendir istas ædes, familiam destructas per ipfius fraudes, istas viduas, orphanos & egenos oppressos, vindictam à Deo de illius injustitiis sumendam expostulantes. Impius faciem avertit & mentem, abigit, & arguit nimis importunam admonitricem. Sed obstinata. conscientia acriùs instat, umbram in lucem protrahit infelicis cujusdam puellæ, cui simul & semel olim floris virginei decus, & jus ad cœlum subtraxit, quæ inter rogi infernalis flammas hunc raptorem incufat ut authorem æternæ suæ damnationis, & omnibus à se commissis reatibus obnoxium, cumprimis tot facrilegarum Confessionum ac Communionum participem.

Proprietatem hanc recepisse conscientiam à Deo, agnoyit Victor Episcopus Carthaginensis, ut desectibus nostris tribueret immortalitatem, & vitam in memoria nostra perpetuam, nobis licet invitis. Conscientia, apud quam non moritur, omne quod gerimus. Etiamsi elinguis existat, nihilominus fortiter semper inclamat, qua, cim loquendi non habeat usum, servare tamen nescit silentium. Diceretis, pergit hic Sanctus Præsul, esse apparitorem Di-

Cc 2 vinæ

a

bibe frater.

vinæ justitiæ ad torturam vobis destinatum: Haret pettori: tenet te reum, & in sua dictione captivum.

Quod verò intolerabilius adhuc videtur, est, quòd conscientia nos affligat, nobis instet, tam vivas imprimendo imagines, ut intellectus invertatur, judicium turbetur sibi persuadeat, se videre, quod non est. Id expertus est Nero, cujus historia satis perspecta; candem mentis vacillationem fensit Theodossus Rex Italiæ, qui apposito immanis piscis capite supra mensam, Symmachi injuste à se interempti, caput coram spectare, sibi imaginatus suit, quasi cædem suam ulciscendi vindictam spirans expeteret. Testis quoque accedit Saulus, qui juxta Tostati glosfam in mortis faucibus constitutus, desperabundus exclamavit, se, quos jugulandos præceperat sacerdotes, jam sui accusatores coram Divino tribunali, intueri. 2, Reg. 1.9-me, & interfice me, quoniam tenent me anguftia. status ex Hebræo vertit: quoniam me tenent ora vestimenti Sacerdotalis. Testis insuper est Heinricus Rex Anglia, qui, ut refert Sanderus, paulò ante mortem sibi cernere videbatur coronam Religiosorum, quos violento pariter fato opprimi procurârat, lectulum suum obsidere. Testis denique sit Constantius Græcorum Imperator, qui post illatam fraternam cædem Diacri, conseientiæ inquietudine & remorlibus in tantum exagitatus fuit, ut crederer,

O quam verissimum itaque manet vusgatum illud adagium: conscientia plus valet, quam mille testes! O Deus! quis non mailet potius circumdari ingenti accusatorum turba cum famosissimis à capite stantibus Advoca-

umbram fratris undiq; fibi occurrere, calicem effulo fanguine refertum propinantem, & exprobrantem; Bibe, tis, quam secum ferre hune solum testem & accusatorem individuum; postquam enim ilii suam deposuissent denuntiationem, inde recederent, si isti Philippicas suas declamastent, silentium tenerent; at hic exactor spirat, clamat indefinenter vidictam. Que, cum loquendi non habeat

usum, servare tamen nescit silentium.

An non in seipsum crudelis sit, oportet, qui proassequenda tam brevi ac turpi voluptate, qualis ex peccati fonce profluit, adeò prolixum & molestum pœnitere in se suscipit? Quemergo fructum habuistis tunc in illis, in qui- Roman. 6.21: bus nunc erubescitis? libere petit rescite Apostolus, quis sit fructus tot malorum refiduus vobis, præter confusionems & pudorem? Infelix Christiana, quæ coram confessario tantum semel horres adeò confundi: quid lucraris, obsecro, celando, tegendo peccatum titum ? cui servit, pedibus calcare pretiofum Christi Jesu sanguinem, sacrilegè confitendo & communicando cum Juda? quid hæc diffimulatio prodest ? sufficit, in tu ipsascias, & Deus cognofeat peccatum tuum, ad te centies folam & totam confundendam nocte ac die, imò per omnem vitæ decurfum miserabiliter excruciandam: Arguet te malitia tua, & aver- Jerem. 2.19. sio tua increpabit te. Opus non erit, vult Jeremias, præcone, qui te castigando, confundat, tuum tibi peccatum in faciem exprobret: præstabit id propria tua malitia, disce ab experientia, monet idem Propheta: Scito, & vide, quia Ibidem, malum & amarum est, reliquisse te Dominum Deum tuum, & non esse timorem mei apud te, dicit Dominus Deus exercituum.

Quod si mala conscientia ram rigida est in officio acculatoris, quanto strictior & exactior erit in se suscipiens qualitatem Judicis! Ipfa accufat, ipfa judicat.

CC 3 at 1 ps

Punctum. S. Chryfolt.

Explica mihi, de Divite Epulone loquitur D. Chrvfostomus, istius conscientiam, & videbis velut in curia menconc. 1. de La- tem ad thronum conscientia consedisse regalem, & tanquams Judicem considentem. Ubi non solum tanquam in Justicia camera occulta producuntur peccara, sed etiam condigna pœna & sententia sustissima in peccantem pronuntiantur.

> Postquam in nostro intellectu depinxit illa Deum. nobis iratum, tormentis & suppliciis armatum, lateri noftro undequaq; inhærentem, adjungit, justum esle, ut pænas Divinæ Justitiæ debitas exsolvamus. Si quandog cœlum tonitrui murmure iram fuam, quam intus coquit,exterius prodat, mox peccatori, aures vellicando, inclamat: cave tibi, cœlestis hac bombarda Dei furore in tui vindictam jam est succensa, tuum petit demetere caput: meministin istius impietatis, discursus illius, qui plus Atheismum, quam Christianismum sapiebat? jam agnosces Deum esse, qui impios castiget: senties modo manum. Omnipotentis, cui hactenus illusisti. Milleni alii cœlestibus slammis sunt absumpti, nequaquam adeò scelesti ac Sacrilegi, ac tu fuisti.

Grassaur in urbe quadam febris ardens aut alia lethifera contagio, mox conscientia consueros intentatterrores; tu ne hanc luem securus evadere præsumis? vindi-Az tempus præ foribus est, experiêris, quamprimum mi-

nas meas effe complendas.

Recensetur funcstus casus viri subiranea morte extincti, aut alterius fatum quodpiam infaustum; conscientia tursus cordis fundo fortiter inclamat: similia te manent fata, talis mortis te dudum extitisse reum, pronuntio, ob peccarum, quod optime nosti; ii, de quibus sermo, in comparatione tui meritò haberi possunt innocentes.

Hoc

Hoc omnino est, quod nos olim discere voluit S. Ambrosius, dum dixit: Conscientia offenditur, cum alius castigatur,

& in alieno vulnere semper ipsa percutitur.

Si contingat, ut Zetosus quispiam Ecclesiastes nativis coloribus ad vivum exprimat inferorum cruciatus, conscientia, quidquid majorem horrorem, metumve ingenerare valet, id omne in compendium seligit, quò essicaciùs peccatoris animum penetret, & perterreat; audisne, illum alloquitur, quæ tibi immineant tormenta propter hanc noxam, cujus te nunquam pænituit; en mercedem, quam suisti promeritus; id te non latet, brevi proprià disces experientià, istum concionatorem tibi varicinatum esse.

Conceptus hic profluit è fonte Divinæ Sapientiæ:

Cùm sit enim timida nequitia, dat testimonium condemnatio - Sap 17.102

nis. Sicut perversa conscientia est sine gratia Dei & virtu
te, ita simul est sine securitate & considentia animi, pro

tunc etiam, quando Dei miseratio benignissimos suos ocu
los in salutem peccatoris dessectit, conscientia tamen non

mitior mortis dictat decretum: Dat testimonium condemna- Ibidem,

tionis: semper enim prasumit seva, perturbata conscientia...

Nec solum condemnate nos audet, sed creaturis insuper

inanimatis vitam, umbris vocem, muris, rupibus alisses;

rebus sensum quodammodo communicat, ut nos con
demnent. Hinc tot timores & terrores, uti advertit au
reus Orator Chrysostomus: Suo ipsius judicio damnatus pa
ret, quitalis est, omnia; umbram, partetes, lapides ipsos vocem

emittentes.

Fingite vobis in animo maleficum diu jam carcere detentum, morti præterea adjudicatum, comparebit is mortuo quam viventi fimilior: si mentem ipsius inspiciendi



vobis tribueretur facultas, cerneretis ibi tristes patibuli, rotæ, aut alterius supplicii expressas ideas: videtur hic sibi jam concursum populi ad spectaculum suæ necis properantis, spectare, carnifices adesse credit, quoties carcerem aperiri, intrantes sibi propinquare, animadvertit. Sonitus terroris semper in auribus (impii, à propria consciential damnati) ait Job; iterum: Non credit, quod reverti possit de tenebris ad lucem; circums pectans undique gladium. Peccator iste sibi, nil audire, imaginatur, præter clamores mortis, & vocem Dei irati: nec cernere aliud, nisi fulminantem Justitiæ ejus machæram undique se persequentem, cui se per sugam subducere quærit: Fugit impius ne-

Prov.28.1.

Job. 15.22.

mine persequente. Pulchrum hujus paradigma habemus in proto - parente & peccante Adamo, vix consciverat noxam cum ad arma jam inaudiit conclamari; hinc cum uxore sua sub arboris foliis se recondidit. Quid hoc, mi Adame, portendit; unde tam repentinus horror? quis tibi quidquam mali inferre præsumat, tibi unico Mundi Monarchæ, Supremo in terris Numinis Vicario, cui creatura omnes parent subjecta? Vocem Dei audivi, reponit ille. do, vocem Dei, ? nunquid hæc est vox Creatoris tui, Patris tui, amabilissimi benefactoris tui, & istum timeas? Fortassis horrifica tonitrui voce te invehendo, perculit, & cum echo peccati admissi aures Divinas perstrinxit, mox ad vindictam te provocavit, interitum urp. ingrato, rebelli servo intentavit? Nequaquam. Erat quippe vox quarentis, & ad se allicientis: Adam ubi es? Num idcirco fugam meditari oportebat? cur timeas, cum nemote condemnârit? Est quidem id verum, veruntamen conscientia jam tulit mortis sententiam; hine metus, hine fuga

Genef. 5.9.



fuga à facie Dei in profundum abyssi, dummodò paterer, Ita olim de iis cecinit Victor Marius, cujus poemata in. Bibliotheca PP. inveniuntur:

> cuperent, si forte pateret, Condere se barathro, usque adeo contermina pæna Culpa fua eft.

Silentio hic præterire nequeo, quin ad clarius commonstrandam veritatem istam, historiam quandam communem in medium producam, cujus forte nullam feciftis fingularem reflexionem, utifecit S. Chrysoftomus.

Balthafar fummus Babyloniorum Monarcha, hæres æquè vitiorum parentis sui Nabuchodonosor, ac sceptri, velpere quodam affidebat menfæ in suo triclinio, Regio luxu instructo, millenis imperii sui toparchis stipatus, annotavit Proph. Daniel: aures ejus demulcebant suavissimæ voces, queis junctæ concordabant variorum instrumentorum symphoniæ; os, palatum mirè exhilarabant epulæ exquisitissimæ, vina delitiosissima, totum corpus saginabant omnes imaginariæ voluptates; sed ecce fune-Ram, quâ lætissima comædia repente in luctuosissimam tragædiam conversa est, catastrophen! Rex enim insperato miraculosam in pariete manum advertit : Apparue Daniel 5.5. runt digiti, quasi manus hominis scribentis contra candelabrum in superficie parietis. Ad primum prodigii aspectum Rex in pallorem versus, terrore plenus obrigescere; cruor in venis quafi glacie constringi, ipse extra se rapi, horrisonum edere clamorem; ad quem velut dato figno omnes è mensa surgunt magnates, mox ingens exoritur tumultus, quot quot aderant conviva, propius Regem confistunt, quem sic interpellant: Imperator invictissime, vive; unde tam vehemens, tamq; subitanca consternatio?

vides utique omnem Regiam fortissimis heroibus cinctam, qui simul ad pedes tuos proni, pro te moriendi, sunt avidissimi. Quæ ergo metuendi causa hie subesse possit: Ah! emortua propemodum voce ille dat responsi loco. Ah! res inaudita hactenus! Vidi manum quandam.

Quomodo, quærit ulteriùs S. Chrysoftomus, fimanum vidit, proptereà tantoperè turbari debuit? quid manus potentissimo Regi in medio suorum procerum sinistri moveat, in sux Monarchix Metropoli, cujus latus tantx stipant custodiæ, selectus è militari nobilitate flos, numerosissimus in armis exercitus communit, ad arcendum Darium, ejusq; hostilem irruptionem paratus? quid si oculis iphus objectus ellet monstrosæ vastitatis, ære, ferroque armatus gigas, aut ingens, informe è styge spectrum convivantium cœtui se immiscuisset? at manus unica! imò non manus, sed umbra, apparentia duntaxat manus. Quasi manus hominis : quæ si saltem stricto acinace minitabunda, aut sanguine imbuta se præsentasset, aut ferrum in Regis sinum abdidisset: sed spectabatur nuda, solamanus digitis calamum fragilem comprimens : Quali manus hominis scribentis. Ergo umbratilis sola manus cum calamo prosternat, nimys terroribus correptumobruat mundi Regem longè potentissimnm ? plus sanè sub visionis istius schemate latuisse, oportuit. Opinio D. Chryfostomi est, principem hunc penitus persuasisse sibi, quod reipsa erat, manum in pariete eam ipsam mortis subfignasse sentiam, quam ejusdem cordis fundo impresisset conscientia: Cum sit enim timida nequitia, dat testimonium condemnationis. Vultis jam Balthasaris animum eximere timoribus ? sceleribus prius ipsum exuatis, necesse est, ad promittendam securitatem ne allegetis

Daniel 5.5.

Sap. 17.10.

vigilantissimas custodias, potentissimos despotas, munitissima oppida; solam placate conscientiam: justificate impium, si valetis; & tremori, quo occupatur modò, generosus succedet animus, omnino imperterritus; Justus Prov. 28.1.

autem quasi leo confidens.

8

ri

n

8

ò

n

G

Non miror, quòd Judzi in publicis precationibus suis sic orare soleant: actiones terrorum, peccata sc. ne recorderis Domine. Christiani admirandi potius, majorem habentes de peccati malignitate notitiam, item de odio, quo Deus illud execratur, ideoq; teneriorem, & magis sensibilem deberent habere conscientiam; Christiani, inquam, sibi imaginantes, quòd juxta proprium beneplacitum vitam suam conformare queant in præsentia judicis istius tam rigorosi, & reperire quietem ad pedes formidandi hujus tribunalis: Putas prodesse tibi, te non habere conscium, cum conscientia quotidianum sentis perpetuum q. judicium. Cogitas, ô excecate peccator, inclamat S. Ambrolius, quia invenis homines malitià tibi non difformes, plures deprehendis eorundem tecum delictorum. reos, tuis insuper nequitiis applaudentes; item, quia possides aurum, argentum, quibus testium ora obturare tuos corrumpere possis; vel, quia coram mundo porens, magnus suspiceris, credis, quòd captare quietem tibi liceat in medio enormium tuorum facinorum, eaque remansura impunita. Tuta scelera esse possunt, secum non possunt. Minime opus est, ut ita loquar, ut Deus se hic immisceat provocando contra te malignam fortunam: Plus torquet opus malum, quam mala fortuna. Nescit crudeliorem tibi immittere lictorem ad te plectendum, nisi teipsum: tu ipse eris, qui expedies tibirotam, & qui in. theatro fatalem exhibebis scenam à te sumpturus pœ-Dd 2

nas pro peccatis tuis. Hoc tertium meum punament.

III. Punctum.

S. Chryfoft.

Conc. 1. de

Liazaro.

Postquam ista conscientia officium testis in accusando, item judicis munus in condemnando explevit, deinde tortoris vices assumit in cruciando. Accusat, judicat, cruciat.

Perversa hæc conscientia, si SS. Doctoribus sidem adhibemus tot carnifices, quot cogitationes habet; sunt illorum manus instructæ slagris, cuspidibus, aculeis, quibus peccatorem dilanient; discerpant; è plagis, quas inssigunt, consequitur longa mortis tabes, & ipsa anima sepulchro vermibus pleno videtur similis, à quibus jugiter corroditur. Videbis mentem tanquam judicem sedentem, & cogitationes loco carnificum adhibentem, in equuleo suspendentem, lateras, conscientie ungulis corrodentem, rectè observat S. Chrysostomus.

Ejusmodi pænæ adeò sunt acutæ, & sensibiles, uthistoriæ plures nobis enumerent, qui talem internam carnificinam ulteriùs tolerandi impotentes, ad inde se eximendos, se suspendio necârunt, alii pugione pectus aperiendo libertatem spiritus quæsierunt, quidam se in abyssum præcipites egerunt: non deerant, qui ultronei se judicis tribunali sistentes ob patrata sua scelera decretoriæ sententiæ executionem postularunt, eligentes potiùs, ut ipsimet sponte satebantur, sub manibus carnisicis oppetere mortem, quàm diutius has domesticarum Furiarum cruciatus sustinere. Tiberius, referente Suetonio, se à conscientia sua torqueri sentiens coactus est Divos invocare, ut in mortem tam dira supplicia convertere velint: Dii me perdant, suspirabat ille, quem quotidie perire sentio. Quidam nomine Flaccus apud Philonem idem consessius est ei-

dem

UNIVERSITÄTS-BIBLIOTHEK PADERBORN dem equuleo obnoxius: Jam in horas premorior, multas

fustinens mortes ante ultimam.

Oportet sanè mortem adeò lentam, supplicium elle longe acerbissimum, coquod vindex Deus id ad hibuerit ad vindicandi Caini fratricidium, eum non quidem morti adjudicando, sed vitæ usum concedendo, non tamen. alium, quam cum perpetuo terrore, & remorfibus affiduis connexum, ipsum proprium sui carnificem constituens juxta annotationem S. Basilii Seleuciensis. Ut percussorem suum timendo, quotidie pateretur, & ipse suus sine ulla inter-

missione sibi carnifex est.

En, quam ad amussim huc quadret illud Dei in impium prolatum decretum apud Prophetam Ezechielem: Et tu porta confusionem tuam. Septuaginta vertunt: por- Ezech. 16,52ta tormentum tuum. Abi infelix, qui credideras, quòd témet elongando à summo bono, posses placide, quiete vivere. Abi fili prodige, qui judicas, melius esse, interextrancos quam inter domesticos, & in paternis adibus commorari; ad te puniendum neminem alium, quam te tibi ipli immitto, & trado: porta tormentum tuum, tuam rotam, tuum tortorem, id est, perversam conscientiam. tuam, ad lusum & comædiam, ad lectum & mensam, ad publica & privata negotia tua, porta tormentum tuum. O Deus! quale istud foret supplicium, exclamat S. Chryfostomus, malefico, mortis reo, coram spectare continuò carnificem ad mensam tempore prandii & cœnæ, habere carnificem comitem in ambulatione, vel quacung; actione, carnificem ad caput lecti, quando cubitum concedit. Intali, eog; miserrimo statu infelix hæret peccator, assetit præfatus Doctor: Peccator quasi carnificem circumgestat, se laniantem, & flagellantem perpetuo.

Dd 3

Etiamfi

\$

Etiamsi tormentum istud, de quo loquimur, foras se non prodat, at eò intensius est malum, quò magis lateu absconditum, & interiora infestar. Credite mihi, dixit Gentilium aliquis, proprium est solis Diis, hoc supplicii genere mulctare: homines quippe ferire nequeunt, nisi externum solum corpus lædere possunt; Dii autem irritati fundum animæ penetrant, ipsum cor transverbetant:

Deorum tela mentibus infiguntur.

Rom. 2.9.

e. Cor. 4.8.

Hoc ipsum melius docet Gentium Apostolus: Tribulatio & angustia in omnem animam hominis operantis malum. Verbis illis, in animam, exprimit differentiam inter afflictiones bonorum, & veras reproborum pænas. Morbi, jacturæ divitiarum, cruces, equulei, & quidquid ingeniosa tyrannorum ferocia excogitare potest, suno extra animam. Hinc non rarò contingit, quod expertus testatur Sanctus Paulus, ut in medio pœnarum exteriorum Sancti possideant in interiori cordis fundo gaudia, consolationes ineffabiles : In omnibus tribulationem patimur, sed non angustiamur. Impii ècontrario extrinsecuis fruuntur pace, at intestinum fovent bellum. Quamvis ipsi sequentes vestigia infamia Babylonis ad suaves lyrarum, filtularum fonos, & juxta instrumentorum Musicorum cadentiam descendant in infernum, prout Prophetarum aliquis prævidit; cor nihilominus circumferunt millenis anxietatum fluctibus agitatum, animamque crudelium remorsuum laniatibus in frusta discerptam.

Ideo non fine ratione magnus hic Apostolus ad declarandos internos peccatorum cruciatus utitur binis hisce verbis: tribulatio & angustia, concors hac in parte cum universa Scriptura: Job descripturus nobis peccatoris in Deum insolentiam & rebellionem: Tetendit, ait, ad-

versus

versus Deum manum suam, & contra Omnipotentem roboratus est. Idem subnectit, Deum ad supprimendum ejusmodi temerarium ausum validissimo occurrere exercitu
in binas alias diviso sub regimine & auspiciis Conscientiæ: una pars illius vocatur tribulatio, altera angusta:
Terrebit eum tribulatio, & angustia vallabit eum sicut Regem, Ibidem,
qui praparatur ad pralium. Quò cunque se conserat peccator, videbit, se undiquaque circumcingi invisibili illo
Dei exercitu, testante id Davide proprià experientià: TriPsal, 118-143bulatio & angustia invenerunt me.

Per tribulationem Spiritus Sanctus non solum intelligit bellum intestinum passionum nostrarum, turbas & seditiones has domesticas, de quibus heri mentionem secimus; sed etiam timores mortis, horrores judiciorum.

Dei, phantasmata tristia & afflictiva, quæ sluctuum instar maris irritati verberant, & reverberant cor malignum.

In quantam tribulationem deveni, & in quos fluctus tristi-1. Machab. 6.

tia! clamabat Rex ille reprobus Antiochus. Sed quodnam te adeò inselicem reddit? Nunc verò reminiscor malbidem.

lorum, que seci in Jerusalem: quasi disceret; ah sentio acerbissimos remorsus conscientiæ, quæ exprobrat mihi seelera mea perpetrata.

Per angultias dantur nobis intelligi tædia, tristiriæ, quæ cor impii dissecant, tali modo, ut cum is reslectat se supra perversam suam vitam, seipsum sufferre nequeat. Veluti leprosus horridam & purulentam corporis sui infectionem contuens, libenter turpes carnis suæ exuvias deponeret: sie inveteratus peccator dissolutiones suæ juventutis, injustitias adultæ & virilisætatis, avaritias suæ senectutis perpendens, contemptus in Deum, sua scan-

dala,

dala, perfidias, fraudes in proximum commissas, uno verbo, ifthoc putidum & abominandum ulcus, unde profluunt omnes vitiorum fordes, perspiciens, seipsum execratur, angustiis tam amarulentis obruitur, ut vivere ipsi displiceat. Unde frequenter oriuntur falutis propriæ desperatæ cogitationes: se respicit, & recenset jam inter damnatos, noctu infestatur ab horrificis insomniis: Dormivi conturbatus, fatetur David post admissum suum scelus: & Job 7.14. Jobi querelæ sunt : Terrebis me per somnia, & per visiones Quod denique malorum omnium horrore concuties. apex & coronis est, quod peccator agnoscat, suas milerias aliarum more in morte cum vita minime finiendas, sed potius revereatur augendas. Atque eadem metuit, magis hac ne in morte gravescant.

An non merito deplorandus est talis status? nonne sateri oportet, in se crudelem existere eum, qui pec-

catum comittit?

Nee vobis persuadeatis, enervari tot tantaque argumenta, si dicatis, non omnes peccatores tanto cum rigore exceptos esse. Non dissentio, non omnes reprobos ejusmodi syntereses & remorsus experiri at hocipso sunt longè deterioris conditionis: O te miserum, si hac

fentis, miseriorem, si non sentis!

Qui flagellum sentiunt, nec inde meliorantur, sicut dixi, miserabiles sunt judicandi, at ii, qui illud non sustinent, nec sentiunt, miserabiliores adhuc censendi, prout videbimus, quando probaturi sumus, statum insensibiltatis conscientia esse malorum omnium summam, & characterem haud obscurum aterna reprobationis. Unde sequitur, ut vivat peccator, debeat, secum statuere jam con-

in remorsibus sua Conscientia.

217

condemnati instar vivere, sive suffocando importunos conscientiz suz clamores per enormia slagitia, sive to-lerando tormenta & remorsus interiores, quos vobis repræsentavi.

Discamus ergo hodie viam illam, quæ tam anxiè inquisita, nec tamen cognita ab impiis, viam sc. pacis & veræ quietis: Contritio & inselicitas in viis eorum, Psal.13.3; & viam pacis non cognoverunt. Nè autem decipamur, audiamus ex oraculo Regii Prophetæ & Apostolorum, 1. Pet. 3.10. Principis Petri viam rectam: Qui vult dies videre bo-Psal.36,27. nos, viam in præsenti vita incedere pacis & solidæ lætitiæ? Ecce viam: Declina à malo, & fac bonum.

Vitium suge & detestare, ama & amplectere virtutem.

Ut observemus, petit à nobis Sanctus Augustinus, illum Psalmistæ locum; ubi Justitia & Pax osculate sunt, Psal. 84.11. osculo se invicem copulârunt. Inde colligi docet idem S. Pater, justiciam & pacem esse amicas intimè sibi conjunctas, & à se mutuò inseparabiles, unam alterius reciprocè procurare utilitatem: Due amica sunt, tu forte unam vis, & alteram non facis; amas pacem, contemnis justitiam, id est, innocentiam ac virtutem. Scias, velim, monet præsatus Doctor, quòd pax locum apud te invenire minimè possit.

Quare litigas cum justitia? si amicam pacis non amaveris, non amabit te ipsa pax, nec veniet ad te. Ecce justitia, pergit Sanctus Augustinus, dicit, ne fireris, & non Ee audis:



Impius Maledictus

218

audis: nè adulteres, & non vis audire. Arctissimum, intercedit inter utramque amicitiz vinculum, unius si duntaxat consortium horres, utraque te horrebit ut communem suum hostem.

Inimicus es amica mea, dicit tibi pax, quid me quaris? quam parum lux & tenebræ conveniunt, tamparum ego (sic Deo ordinante) cum impietate consi-1sa. 48. 22. stere possum. Non est pax impiis, dicit Dominus.

> Permittite ergo prædicatori, ut is gladium Verbi Divini arripiat, perforet, & aperiat fecreta vestra ulcera, quæ malignas has interiores febres in vobis procurârunt. Tantum ei indulgeatis, ne à vobis priùs discedat, quam bonum illud mala fide acquisitum, cums quiete vestra incompatibile ædibus vestris proscripteritis; conscientia quippe vestra os non claudet, clamores suos non continebit, antequam illud legitimo domino restitueritis. Concedite tantum zelosi Confessarii vestri charitati, ut ipsi liceat spinam è fibris pectoris yestri extrahere, quæ tanto tempore vos, tamque acriter pungendo, afflixit: id ift, peccatum iftud occultum, quod à vobis commissum, at in confessione nunquam detectum, vel cujus circumstantiæ speciem mutantes, filentio suppressæ, confessionem reddidere sacrilegam.

> Ah! nimium est, confusionem, accusationes & carnificinam hujus conscientiæ tolerare. Exaudite tandem

